

AN CLÁR

Réamhrá leis an Dr Hugh Brady, Uachtarán UCD	2
Ardchaighdeán Teagaisc agus Foghlama a Bhaint Amach	5
Líon na Mac Léinn	7
Modúlú, Seimeastrú agus UCD <i>Horizons</i>	8
Mic Léinn a Earcú agus Cláir Nua	11
Imeachtaí na Mac Léinn Idirnáisiúnta	12
An tIonad Teagaisc agus Foghlama	14
I dTreo Ollscoil Diantaighde	15
Maoiniú Taighde	17
Scéimeanna Inmheánacha chun Tacú le Taighde	18
Dámhachtaí Taighde	20
Éachtaí Taighde	22
An Ceathrú Leibhéal	25
Tionscnaimh Taighde	26
Institiúid Mhic Chon Mí UCD	27
An tIonad um Shintéis agus um Bhitheolaíocht Cheimiceach (CSCB)	29
Ionad Leighis Mhóilínigh Bhaile Átha Cliath (DMMC)	31
Institiúid Dhaonnachtaí Éireann UCD	35
Institiúid Uirbeach Éireann UCD	36
Institiúid Mhichíl Uí Chléirigh UCD	37
Aistriú Nuálaíochta agus Teicneolaíochta - NovaUCD	38
Ardchaighdeán Ollscolaíochta a sholáthar do na Mic Léinn	41
Forbairt Áiseanna: Tionscadail Chaipitiúla	43
An Leabharlann	47
Seirbhísí Ríomhaireachta	48
Slite Beatha agus Fostaíocht	49
Leathnú ar an Rannpháirteachas	51
Cúnamh Airgid do Mhic Léinn	53
Tacaíocht do Mhic Léinn, Séiplínigh agus Comhairleoirí Mac Léinn	54
Spórt	55
Ceol	57
Cumainn na Mac Léinn	58
Treorú maidir le Cláir Oibre	59
Cumarsáid	61
Forbairt agus Caidreamh le hIarmhí Léinn	63
Aitheantas Speisialta	65
Forbairtí Foirne	67
Aguisín 1, Struchtúr Acadúil Nua UCD: Coláistí agus Scoileanna	75
Coláiste na nEalaíon agus an Léinn Cheiltigh UCD	76
Coláiste na nEolaíochtaí Daonna UCD	77
Coláiste na nEolaíochtaí Beatha UCD	78
Coláiste na hInnealtóireachta, na Matamaitice agus na nEolaíochtaí Fisiciúla UCD	79
Coláiste na nEolaíochtaí Daonna UCD	80





Ó bunaíodh UCD, bhí fás na hollscoile agus fás na tíre dlúthnasctha lena chéile. Baineann an ollscoil anois le tír neamhspleách nua-aimseartha rathúil. Le blianta anuas bhí tionchar ag an ollscoil ar gheilleagar, ar shochaí agus ar chultúr na tíre, agus leanfaidh an tionchar sin ar feadh na nglún.

RÉAMHRÁ LEIS AN DR HUGH BRADY UACHTARÁN UCD

FÍS

Chuir mé romham sraith spriocanna go luath in 2004 mar chuid lárnach den fhís agam le go mbeadh UCD chun tosaigh ar bhonn náisiúnta mar ollscoil diantaighde. Spriocanna uailmhianacha a bhí iontu, agus ní miste a lua gur d'aon ghnó é sin. Bhí a fhios agam go mbeadh gá ag pobal uile na hollscoile tréanarracht a dhéanamh chun na spriocanna sin a bhaint amach.

Bhí mo thuiscint ar an seasamh atá ag UCD in Éirinn agus ar fud an domhain mar bhonn is mar thaca ag an bhfís sin. Ní mór dúinn aghaidh a thabhairt ar an dianiomaíocht atá ann anois, níos mó ná riamh, na mic léinn agus an fhoireann is fearr a mhealladh i margadh domhanda.

Ar bhonn náisiúnta, tá an tobar mac léinn ar a dtarraingimid ag triomú agus an raon roghanna atá ar fáil do mhic léinn i gcoitinne ag dul i méid. Ar bhonn idirnáisiúnta, ní roghnóidh mic léinn agus taighdeoirí cumasacha ceathrú leibhéal teacht chuig UCD ach má tá cáil bainte amach againn mar ollscoil ar an gcaighdeán is fearr ar domhan toisc ár ndíograis i leith an taighde, na scoláireachta, na nuálaíochta agus na cruthaitheachta.

De réir mar a threabhaimid ar aghaidh i dtreo ár spriocanna uailmhianacha, is cúis mhór áthais dom é a chur in iúl gur éirigh thar na bearta linn le bliain anuas. Is dea-theist é ar dhícheall na foirne uile in UCD gur éirigh linn struchtúr agus curaclam na hollscoile a athrú ó bhonn in achar ama a bhí chomh gairid sin. I measc na gcéimeanna móra chun tosaigh, chuireamar cúig scoil iarchéime nua ar bun, d'athchóiríomar an nós imeachta atá ann le haghaidh ardú céime agus d'éirigh linn cur le próifíl UCD.

Ó ceapadh mé i mo Uachtarán, thapaigh mé gach deis a chur ina luí ar an rialtas gur ghá an tríú leibhéal a athrú ó bhonn agus gur ghá ceathrú leibhéal dinimiciúil a chruthú in Éirinn. Thug na gealltanais pholaitiúla ina leith seo ardú meanma dom, agus má leanann infheistíocht na gealltanais chéanna, cinnteofar earnáil oideachais den chéad scoth in Éirinn a bheidh in ann dul san iomaíocht le hearnálacha oideachais eile ar fud an domhain.

Thug airí rialtais cuairt ar an ollscoil i rith na bliana chun áiseanna nua a oscailt - an Taoiseach, an Tánaiste agus an tAire Oideachais agus Eolaíochta ina measc. Táthar chun mórinfheistíocht a dhéanamh thar an gcéad chúig bliana eile i gcothú taighde agus nuálaíochta san earnáil ardoideachais in Éirinn le roinnt tionscnamh ceannródaíoch.

Is mór againn an tacaíocht leanúnach a thugann an rialtas do UCD, agus don oideachas tríú agus ceathrú leibhéal i gcoitinne

CUR I BHFEIDHM PHLEAN STRAITÉISEACH 2005-2008

Aontaíodh ar na cuspóirí ardleibhéil uile inár bPlean Straitéiseach go luath in 2005. Díríonn an plean ar thrí ghné ina fhís do UCD ó thaobh na nithe seo a leanas de:

- Timpeallacht teagaisc agus foghlama;
- Timpeallacht taighde;
- An tionchar ar shochaí na hÉireann.

Tá dul chun cinn á dhéanamh i ngach ceann de na réimsí sin.

Athraíodh ár dtimpeallacht teagaisc agus foghlama ó bhonn agus seoladh UCD Horizons - curaclam modúlaithe, seimeastraithe atá bunaithe ar chreidmheasanna.



Is mian linn a bheith ar an bpríomhinstitiúid ceathrú leibhéal sa tír agus tá cúig Scoil Iarchéime bunaithe againn mar chuid den díograis seo ar fud na hollscoile i leith an taighde agus na nuálaíochta.

Bíonn tionchar suntasach ag UCD ar shochaí na hÉireann agus ár lucht léinn ag glacadh páirte lárnai i gcur i bhfeidhm straitéisí agus polasaí náisiúnta agus idirnáisiúnta.

AN DÍORMA IS CUMASAÍ A MHEALLADH

Tháinig méadú 10% in 2006 ar an líon iarratas ar áiteanna in UCD. Seo aisiompú ar a raibh ag titim amach le trí bliana anuas. Is a bhuíochas le leasú sa churaclam agus leis an margaíocht a rinneadh ar UCD Horizons, i measc nithe eile, a d'éirigh linn rogha chomh mealltach sin a thairiscint do mhic léinn.

D'éirigh thar barr le UCD Horizons agus tá mic léinn tar éis glacadh leis na deiseanna a chuireann sé faoina mbráid le roghanna eolasacha aibí cruthaitheacha a dhéanamh ar an gcaoi a gcuirfidh siad lena gcuid eolais ón gclár staidéar atá idir lámha acu.

Mhéadaigh líon na mac léinn eachtrach 8% i rith na bliana, le mic léinn ó 110 tír anois ar an gcampas. Ghlac UCD ballraíocht le Universitas 21, mórlíonra idirnáisiúnta de os cionn 20 ollscoil taighde-threoraithe. Seo líonra a chuirfidh raon deiseanna soghluaiseachta, taighde agus acadúla ar fáil dár mic léinn. Lena chois sin, cuirfidh sé deiseanna ar fáil dúinn an cleachtas tagarmharcála is fearr a ghnóthú.

TAIGHDE, SCOLÁIREACHT AGUS NUÁLAÍOCHT

Tá sé mar aidhm ag UCD timpeallacht a chruthú a mheallann na taighdeoirí is fearr ar domhan, sna disciplíní ar fad. Tá comhpháirtíochtaí agus tionscnaimh chomhoibritheacha taighde á gcur ar bun againn le heagraíochtaí acadúla, tionsclaíocha agus seachbhrabúsacha chun go mbeadh sé de mhuinín ag comhlachtaí de chuid na hearnála poiblí agus na hearnála príobháidí infheistiú in UCD.

D'éirigh le UCD cur ní hamháin le líon na gconarthaí a mheall an ollscoil in 2005-2006 ach le luach na gconarthaí sin chomh maith. Bronnadh 664 conradh ar UCD, sin méadú aon trian ar an mbliain roimh ré.

Cuireann ár n-institiúidí taighde áiseanna úrscothacha, ardáin teicneolaíochta agus mais chriticiúil taighdeoirí agus lucht léinn ar fáil. D'éirigh le hInstitiúid Mhic Chon Mí, UCD - an príomhionad um thaighde bithleigheis in Éirinn - os cionn €30m a bhailiú in ioncam piara-athbheithnithe i rith na bliana.

Ag dinnéar Lá an Bhunaithe in UCD, clé go deas: An Dr. Paddy Hillery, Maeve Hillery, An Dr. Hugh Brady, An Dr. Michael Smurfit



Ag seoladh Wyeth Research Ireland: An Dr. Hugh Brady, Mary Hanafin TD, An tAire Oideachais agus Eolaíochta agus an Dr. Frank Walsh, Leas-Uachtarán Feidhmiúcháin, Discovery Research Worldwide le haghaidh Wyeth

AN CEATHRÚ LEIBHÉAL

D'fhógair an rialtas anuraidh a ghealltanas Éire an Ceathrú Leibhéal a chruthú agus ba mhór an chéim chun tosaigh é seo i gcúrsaí ardoideachais. Beidh sé seo mar bhonn is mar thaca go háirithe ag córas oiliúna máistreachta/PhD den chéad scoth a chuirfear ar bun in Éirinn, ach an tacaíocht agus na háiseanna is fearr a sholáthar do dhíorma mac léinn atá de shíor ag dul i méid. Tá sé mar rún daingean agamsa go mbeadh PhD de chuid UCD ar an órchaighdeán don cháiliúocht sin.

PLEAN FORBARTHA CAMPAIS AGUS EISPÉIREAS NA MAC LÉINN

Is iontach an áis é príomhchampas UCD agus ní mór dúinn an campas sin a fhorbairt ar bhealach inbhuanaithe ionas go mbeidh ní hamháin na mic léinn ábalta an sochar is fearr agus is féidir a bhaint as, ach an pobal i gcoitinne chomh maith. Tá sé i gceist againn an líon mac léinn atá ina gcónaí ar an gcampas a dhúbailt go dtí 6,000 thar an gcéad chúig bliana eile. Ba mhaith liomsa an spiorad ar an gcampas a athrú - chun go mbeadh sé

ina ionad foghlama 24/7 áit a bhfuil an scoláireacht mar chuid de gach gné den saol.

Sheolamar an Plean Forbartha Campais, tar éis dúinn dul i gcomhairle leis an bpobal áitiúil agus le páirtithe leasmhara eile. Togra an Gheata mar chuid lárnach den phlean seo - ionad nua a cheanglóidh príomhbhealachsh isteach na hollscoile ón N11 le croílár an champais.

Ag seoladh an chomhaontais idir UCD agus an Institute of Bankers in Ireland (ó chlé go deas) John Trethowan, Uachtarán na Institute of Bankers in Ireland, An Dr Philip Nolan, Cláraitheoir UCD agus Brian Cowan TD, An tAire Airgeadais



Reachtálfar mórchomórts idirnáisiúnta ailtireachta, mar a mbeidh an deis ag ailtirí sainchomhartha íocónach tábhachtach a dhearadh do Bhaile Átha Cliath agus d'Éirinn. Cuirfidh sé seo feabhas ar thimpeallacht oibre agus maireachtála na mac léinn agus na foirne agus osclóidh sé an campas don phobal i gcoitinne.

Tá tús curtha le hobair ar Cheantar Eolaíochta UCD agus é mar aidhm aige áis inchlauchtaithe a chur ar bun do Chúrsaí Eolaíochta in Éirinn.

Creidim féin nach faoi iarrachtaí acadúla amháin é an t-oideachas ollscoile ach go bhfuil an tábhacht chéanna ag baint le páirt a ghlacadh i bpobal na hollscoile i gcoitinne - bíodh sé sin trí mheán an spóirt nó gníomhaíochtaí eile na mac léinn. Tá raon leathan gníomhaíochtaí seach-churaclaim á dtairiscint againn, chun an spreagadh agus an treoir a sholáthar do na mic léinn le gur féidir leo forbairt i ngach gné dá saol.

CÉIMEANNA AGUS DÁMHACHTAINÍ OINIGH

Bhronn UCD Bonn Lá an Bhunaithe ar an Dr Patrick Hillery. Agus mo chomhlua don lá á ullmhú agam, d'imigh an méid a bhí déanta ag an Dr Hillery ar son an oideachais in Éirinn le 40 bliain anuas go mór i bhfeidhm orm. Nuair a bhunaigh sé an Coimisiún um Ardoideachas i 1960, leag an Dr Hillery bunchloch ar a dtógfaí an t-oideachas in Éirinn sa 20ú haois déanach. Is mór an t-éacht atá déanta aige.

I measc na n-ócáidí eile i rith na bliana, ba mhór an onóir dúinn é céimeanna oinigh a bhronnadh ar phearsana éagsúla ón tír seo agus ó thíortha eile a bhfuil méid mór déanta acu ar son na n-ealaíon, an ghnó, na heolaíochta agus na forbartha daonna.

AN FHOIREANN

Ba mhaith liom buíochas ar leith a ghabháil leis an bhfoireann acadúil as a mbarr feabhais agus a ndíograis ina gcuid oibre. Bíonn UCD ag brath orthu, go háirithe ar chaighdeán an taighde acu, le caighdeán arda acadúla agus dea-cháil idirnáisiúnta ar na céimeanna a chothú.

Is cúis áthais dom é go bhfuil ceann de dhearbphrionsabail an Phlean Straitéisigh, is é sin sraith modhanna earcaíochta agus luacha saothair iomlán don fhoireann acadúil, anois i bhfeidhm. Le linn thréimhse na Tuarascála seo, cuireadh nós imeachta i bhfeidhm don ardú céime chuig post an Ollaimh - rud nach raibh ann go dtí seo. Chomh maith leis sin, seo an chéad uair nár tharla an t-ardú céime chuig post an Chomhollaimh faoin gcóras cuóta. Cuireann sé áthas orm a chur in iúl go bhfuil ag éirí go maith leis an gcóras tagarmharcála don ardú céime chuig post an Léachtóra Shinsearaigh agus dá bhrí sin tá spriocanna soiléire insroichte ann anois d'iarrthóirí.

TÁTAL

Is mór an dul chun cinn atá déanta againn le bliain anuas. Creidim go bhfuil tús á chur le thréimhse níos cruthaithí, cé nach n-éileoidh sí an méid céanna orainn.

Thug an tUasal Kieran McGowan, Cathaoirleach Údarais Rialaithe na hOllscoile, treoir agus tacaíocht dúinn sa thréimhse mhórathraithe seo. Thug seisean, baill an Údarais Rialaithe, agus m'Fhoireann Bainistíochta Sinsearaí an-tacaíocht go deo dom agus tá mé go mór faoi chomaoín acu dá réir.

Ní féidir leis an Tuarascáil seo cur síos ar an méid oibre a rinne an fhoireann ar fad in UCD, obair a chuireann chomh mór sin leis an rath a bhíonn ar an ollscoil. Tá súil agam, ámh, go dtugann an Tuarascáil le fios gur as lámha a chéile a oibrímid lenár mórobair a chur i gcrích.

Hugh R. Brady

HUGH BRADY
Uachtarán